

四庫全書

子部

欽定四庫全書

全芳備祖後集卷十七

宋 陳景沂 撰

木部

楊柳

事實祖

碎錄

楊蒲柳也從木易聲檉河柳也從木聖聲柳小楊也從

木卯聲

說文

昔我往矣楊柳依依 折柳樊圃 苑彼柳

斯鳴蜩嘒嘒

並詩

漢苑有人柳一日三眠三起

三輔故事

正月

元旦取柳枝懸戶以驅百邪

齊民要術

正月柳梯梯者發葉

也

大戴禮

紀要

展禽之家植柳行德惠因號柳下惠一日邑名

淮南子

楚

養由基善射去楊葉百步百發百中

戰國策

支離叔與滑

介叔觀于冥伯之丘崐崙之區黃帝之所休俄而柳生

其左肘支離曰子惡之乎滑介叔曰生者假借也假之

而生生者塵垢也死生為晝夜且吾與子觀化而化及

又何惡焉

莊子

右革子尹文子叔儋子相與為友聞楚成

王賢俱往見之至嶽巖之間卒逢風雨共伏于枯柳之

下衣寒糧乏度不能俱活以革子為賢乃併衣糧與之

二子遂凍餓而死革子見楚王王知其義陳酒設鐘鼓

以享之革子搯琴而作別散之音楚王賜以百金使葬

二子焉

張標

漢周亞夫屯軍細柳

本傳

張敞為京兆尹走馬

章臺街有柳終唐時曰章臺柳杜詩云京兆空柳市

詩注

陶潛宅邊有五柳因以為號

本集

陶侃鎮武昌性縝密好

問嘗課諸營植柳都尉夏施盜種于已門侃遇見之問

曰武昌西門柳何故盜種于此施服罪

晉書

桓溫自江陵

北行往觀少時所種柳處皆數圍慨然嘆曰木猶如此

人何以堪扳枝執條泫然流涕

晉書

嵇康性絕巧能鍛家

有一柳乃激水以圍之夏日甚涼居其下遊戲以鍛

晉書

王恭美姿容人多悅之或目之曰濯濯如春月柳

本傳

顧

長康癡信小術桓玄以一葉柳紿之曰此蟬翳葉也長

康信之

晉書

齊劉俊之為益州刺史獻蜀柳數株枝甚長

狀若絲縷武帝植之于大昌靈和殿前嘗玩嘆曰此柳

風流可愛似張緒當年

齊史

梁修仁監造蓬萊宮種白楊

更植以桐

見桐門

隋高穎孩孺時家有柳高丈許亭亭如

車蓋里中父老曰此家當出貴人

隋書

隋煬帝自板渚引

河達于淮海謂之御河河畔築道樹柳名曰隋隄

史

呂

渭遷禮部侍郎始中書省有古柳建中末枯死德宗自

梁還復榮茂人以為瑞柳渭令貢士賦之帝聞不以為

喜

唐書

天寶中韓翃有詩名與富人李生友善以幸姬柳

氏與之明年翃擢第家于青池歲餘盜寇兩京柳以姿  
色懼不免乃剪髮居法雲寺侯希逸為淄青節度翃為  
書記遣使間行求柳氏以練囊盛金題曰章臺柳章臺  
柳往日青青今在否縱有長條似舊時也應扳折他人  
手柳荅曰楊柳枝芳菲節可恨年年贈離別一葉隨風  
忽報秋縱使君來豈堪折無何蕃將沙叱利立功知其  
姿色劫以歸翃使虞侯以計取之希逸以聞于朝詔柳

氏還翎

青瑣

白樂天有姬名小蠻善唱楊柳枝人遂以曲

名之

詩話

宣宗聞樂府唱白居易柳枝詞勅永豐坊中移

楊柳兩株植于禁中居易以一曲表其意云一樹衰殘  
委塵土雙株榮耀屬天庭定知此後天文裏柳宿光中  
添兩星

雜著

夫楊橫樹之則生倒樹之亦生折而樹之又生

戰國策

賦詠祖



五言散句

長楊蔭碧海

文選

修楊夾廣津

鬱鬱園中柳

弱柳蔭修衢

潘岳

楊園流好音

王僧達

垂楊蔭御溝

謝元暉

柳色黃金嫩

李白

高柳半天青

杜甫

開筵俯高柳

杜甫

塞柳半疎翠

雨餘添柳重

青歸柳葉新

官橋帶柳陰

官柳著行新

市橋官柳細

青柳檻前梢

歸院柳邊迷

秋風吹柳條

劉夢得

手自移蒲柳

金穗不勝吹

溫岐

柳意不勝春

韋應物

柳老半書蟲

東坡

垂陰半上路結翠早知音

梁簡文帝

還將眉裏翠來就鏡中舒

唐太宗

白楊多悲風蕭蕭愁殺人

古詩

解有相思否應無不舞時

義山

慧眼明秋水愁眉淡遠峰

柳州柳刺史種柳柳江邊

宗元

柳條將白髮相對共垂綠

戴叔倫

如美婦正立櫛髮長在地

子由

細栽煙外葉繁並暖前枝

宋景文

何用長隄柳將眉與世顰

趙寒泉

七言散句

動似顛狂靜似愁

姚合

柳條弄色不忍見

高適

問柳尋花到野亭

少陵

恨得東風不展眉

段成式

烟柳風絲拂岼斜

雍陶

河隄柳弱鬱金枝

陌頭楊柳黃金色

李白

岸容待臘將舒柳

杜甫

漏泄春光有柳條

故園楊柳令搖落何得愁中却盡生

少陵

江頭宮殿鎖千門細柳新蒲為誰綠

遙憶青青江岼上不知攀折是何人

漸欲拂他騎馬客未多遮得上樓人

莫折宮前楊柳枝玄宗曾向笛中吹

張祐

一把柳絲收不得和風搭在玉闌干

古詩

巫娥廟裏低含雨宋玉門前斜帶風

牧之

葉含濃露如啼眼枝嫋輕風似舞腰

香山

桃紅李白皆誇好，須得垂楊為發揮。

黃夢得

依依故國樊川恨，半掩村橋半拂溪。

牧之

幾回離別折枝盡，一夜春風吹又長。

劉商

明年更有新條在，撓亂春風卒未休。

羅隱

纔聞暖律先偷眼，直待和風始展眉。

辛寅遜

思量却是無情木，不解迎人只送人。

皇甫冉

誰家縹緲青羅帔，何處蹁躑金縷衣。

邵堯夫

生計任從栽者意，却嗤松柏不禁移。

韓忠獻

章臺街裏翻輕絮，灞水橋邊送落暉。

錢忠公

人昔共遊今獨在，樹猶如此我何堪。

歐陽公

不識日高眠起處，何如風定舞餘時。

劉原父

燈背翠簾人欲別，月斜烟柳馬頻嘶。

夏英公

不知張緒當年少，得似長條濯濯時。

宋景文

但見低垂長衛足，更無疎聳直參天。

張忠定

不及垂陰向黎庶，春風一路送遙情。

多謝灞陵隄上柳，與人頭上拂塵埃。

李山甫

風雨不知春早晚柳條搖動半江陰

劉改之

初無惱亂春風意却是春風惱亂他

僧北磻

如今已作參天木應是衰遲老主人

王梅溪

綠楊影裏鶯聲碎正是南窗睡覺時

趙冷菴

若見集英門外柳為言曾惹御爐香

厲小山

昭陽太極無行路歲歲鶯黃上柳條

周方泉

門外莫栽楊柳樹得春多處恨春多

陳卓山

粥香餠白清明近間挽柔條挿畫簷

秋崖



風霜兩鬢五十五楊柳幾番三月三

鬢痕不似新條好可倩東風染得青

陳月潭

根枝不入靈和殿枉為人間拂馬蹄

陳晦叔

楊柳年年人老大江山處處客淒涼

吳履齋

五言絕句

巫山巫峽長垂柳復垂楊同日宜共折故人還故鄉

梁元

帝

柳挂九衢絲花飄萬家雪如何憔悴人對此芳菲節

武元

衡

河柳擅佳名青條發紅穗因愁百卉嬌強作芳菲意

晏元

獻

七賢寧占竹三品且饒松腸斷靈和殿先皇玉座空

義山

白頭種松桂他日見成林不及栽楊柳明年即有陰

香山

花明柳陌春柳綠御溝新為報遼陽客流芳不待人

王涯

濯濯縈春晚依依帶暝饒楚宮皆餓死無計學纖腰

宋景

文

楊柳春風裏青青夾御河為何板折苦只為別離多

王之

渙

五言古詩

白楊初生時乃在豫章山上葉拂青雲下根通黃泉

古詩

輕盈拂建章夾道連未央因風結復解霑露猶且長

沈約

不如種此柳此柳易榮滋無根亦可活成陰亦非遲

三年未離郡可以見依依

香山

玉縷葳蕤姿結為芳樹枝忽驚明月鉤釣出珊瑚株灼

灼不死花蒙蒙長生絲

夢得

美笑千黃金駐景雙白壁東風楊柳津幾度千絲碧款  
款白面郎畫舫宮樣妝新隄五里長回頭意悠揚幽人  
興不忙得志汀草芳

陳肥遜

### 五言八句

只道梅花發那知柳亦新  
枝枝總到地葉葉自生春  
紫燕時翻羽黃鸝不露身  
漢南因老盡灞上遠愁人

少陵

山靜雲為友家貧鶴是親  
埽花存過蝱留食施饑鱗  
有

句題僧寺無書擾貴人三間依柳下渾不染京塵

吳南叔

五言律詩散聯

楊柳非花樹依樓自覺春枝邊通碧色葉裏映朱輪帶

月交簾影因吹掃席塵

梁元帝

已帶黃金縷仍殘白玉花長時須拂馬密處共藏鴉眉

細從他斂腰纖莫亂斜

李義山

七言古詩

露井天桃春未到遲日猶寒柳開早高枝低枝飛鸝黃

千條萬條覆宮牆幾回離別折欲盡一夜東風吹又長  
毵毵拂人行不進依依送君無遠近青春去往隨柳條  
却寄來人以為信

劉商

隋堤柳歲久年深盡衰朽風飄飄兮雨瀟瀟三株兩株  
汴河口老枝病葉愁殺人曾經大業年中春蕭牆禍生  
人事變晏駕不得歸秦中土墳數尺何處葬吳公臺下  
多悲風二百年來汴河邊沙草和烟朝復暮後王何以

鑒前王請看隋隄亡國樹

白居易

綠絲條弱不勝鶯蘇家小女舊知名楊柳風前別有情  
剝條盤作銀環樣卷葉吹為玉笛聲

七言絕句

陶令門前四五樹亞夫營裏百千條何似東都正二月

黃金枝映洛陽橋

香山

隔戶楊枝弱嫋嫋洛陽十五女兒腰誰謂朝來不作意

狂風枉斷最長條

少陵

人言柳葉似愁眉更有愁腸似柳絲柳絲挽斷腸牽斷

彼此因由續得時

樂天

花萼樓前初種時美人樓上鬪腰肢如今拋擲長街裏

露葉如啼將恨誰

夢得  
三首

御陌青青拂地垂千條金縷萬條絲如今綰作同心結

將贈行人知不知

城外春風颭酒旗行人揮袂日西時長安陌上無窮樹

惟有垂楊管別離

半烟半雨江橋畔映杏映桃山路中會得離人無限意



千絲萬縷惹春風

鄭谷

碧玉妝成一樹高，萬條垂颺綠絲條。  
不知細葉誰裁出，二月春風似剪刀。

高出軍營遠，映旄曾逢兵火。  
一時燒風流，性格終難挫。  
暖日還生萬萬條，薛逢

渭城朝雨挹輕塵，客舍青青柳色新。  
勸君更盡一杯酒，

西出陽關無故人

王維

一樹春風萬萬枝，嫩于金色軟于絲。  
永豐東角荒園裏，

盡日無人屬阿誰

香山香

金縷毵毵碧瓦溝六宮眉黛惹春愁晚來更帶龍池雨

半拂闌干半入樓

飛卿

池南柳色半青青紫烟裊娜拂綺城垂絲百尺挂瑯楹

上有好鳥相和鳴

太白

枝裊纖腰葉鬬眉春來無處不成絲灞陵原上多離別

少有長條拂地垂

韓琬

江邊楊柳曲成絲立馬憑君折一枝惟是春風最應惜

殷勤祇向手中吹

楊巨源

白雲溪畔種還生風擺長條拂水輕應為繁華壓金谷

依依終日是無情

種明逸

新豐道上灞陵頭又送夫君去遠遊借問柳枝能記否

古今共有幾多愁

溫公

永豐坊裏舊腰肢曾見青青初種時看盡道邊離別恨

爭教風絮不狂飛

張文潛

亂條猶未變初黃倚得東風勢更狂解把飛花蒙日月

不知天地有清霜

曾南豐

含烟帶雨半平橋  
嫋嫋千條復萬條  
張令當年成底事

風流纔似女兒腰

呂居仁

萬縷千絲織暖風  
絆烟習露市橋東  
砌成幽恨斜陽裏

供斷閒愁細雨中

朱淑真

堤邊楊柳密藏鴉  
堤上遊人兩髻丫  
可惜尋春來較晚

誰家留得碧桃花

張子湖

絲絲烟雨弄輕柔  
偏稱黃鸝與白鷗  
纔著一蟬嘶晚日

西風容易便成秋

宋正父

卷十七

三月名園草色青  
夢回猶憶賣花聲  
春花不管人憔悴

飛絮紛紛弄晚晴

趙信菴

燕子樓邊柳色新  
畫眉人去鏡生塵  
來年羞結空牀夢

閑撥琵琶過一春

賈秋壑

花瘦水肥二月天  
畫橈雙動木蘭船  
人家盡換新榆火

惟有垂楊帶舊烟

陳節齋

雨重垂楊綠未乾  
一渠流碧弄潺潺  
暝鴉過盡東風惡

獨倚衡門看遠山

王潛齋

蝶撲蜂黏發出狂飄然欲上白雲鄉無端却被遊絲攪

綰住東風舞幾場

李梅亭

臘雪逢春次第消等閒著脚上溪橋柳條畢竟帶兒女

一夜東風眼便嬌

陳北山

憶別東河兩度春西湖柳眼又新新想因一樣湖邊柳

一樣春風一樣青

鄭亦山

娟娟吳興柳滿城春光濃處白蘋亭來時金縷黃尤淺

看得枝枝葉葉青

任斯菴

卷十七

春到枝枝是綠絲  
秋來葉葉是愁眉  
灞橋何限經行者

不記尋花繫馬時

王慢翁

陰陰垂柳亂蟬嘶  
柳外嬌鶯自在啼  
心事太平山色好

開軒坐到日沈西

徐橘隱

一撮嬌黃染不成  
藏鴉未穩蚤藏鶯  
行人自謂傷離別

枉折無情贈有情

薛獨菴

七言八句

楊子江頭流水湄長安陌上暖風吹黃金瓔珞雪晴後  
碧玉瓏璁春盡時端的園林俱不及等閒臺榭便相宜  
思量也是多情物慣與人間贈別離

陶弼

破篋猶存舊賜香輕將魂夢到昭陽只知鏡裏春難駐  
不信人間夜更長父母家貧容不得君王恩重死休忘

東風二月垂楊柳猶解飛花入禁牆

陸雲西

樂府祖

蘭陵王



柳陰直煙裏絲絲弄碧隋隄上曾見幾番拂水飄綿送  
行色登臨望故國誰說京華倦客長亭路年去歲來因  
折柔條過千尺間尋舊踪跡又酒聽哀絃燈照離席  
梨花榆火催寒食愁一箭風快半篙波暖回頭迢遞便  
數驛望人在天北悽惻恨堆積漸別浦縈迴津堠岑  
寂斜陽冉冉春無極記月榭攜手露橋聞笛沈思前事

似夢裏淚暗滴

周美成

蝶戀花

愛日輕明新雪後媚眼星星漸欲穿窻牖不待長條傾  
別酒一枝已入離人手淺淺柔黃輕蠟透過盡冰霜

便與春爭秀強對青銅簪白首老來風味難依舊

周美成

小閣陰陰人寂後翠幕寒風燭影搖疎牖夜半霜寒初  
索酒金刀正在柔荑手絲薄粉香光欲透小葉尖新

未放雙眉秀記得長條垂鷁首別離情味還依舊

方千里

移得綠楊栽後院學舞宮腰一月青猶短不比灞陵多  
送遠殘絲亂絮東西岼幾葉小眉愁不展莫唱陽關

真箇人腸斷分付與春春細看條條盡是離人怨

張子野

為問宛溪橋畔柳拂水倡條幾贈行人手一樣葉眉偏  
解縐白綿飛盡因誰瘦今日離亭還對酒唱斷青青

好去休回首美蔭向人疎似舊何須更待秋風後

賀方回

桃萼新香梅落後葉葉藏鴉冉冉垂亭牖舞困低迷如  
著酒輕絲偏近遊人手雨過矐矐斜日透客舍青青

特地添明秀停話揚鞭回別首渭城荒遠無交舊

美成

玉樓春

黃金弄色輕於粉，濯濯春條如水嫩。  
為緣力薄未經風，不奈嬌多長似困。  
腰柔乍怯人相近，眉小未知春有恨。  
勸君著意惜芳菲，莫待行人攀折盡。

永叔

天然不比花含粉，約月微黃春色嫩。  
小橋低映欲迷人，閒倚東風無奈困。  
烟姿最與章臺近，冉冉千絲誰結恨。  
狂鶯來往戀芳陰，不道風流真態盡。

聖俞

### 朝中措

平山闌檻倚晴空，山色有無中。  
手種滿庭楊柳，別來幾

度春風 文章太守揮毫萬字一飲千鍾行樂直須年

少尊前看取衰翁

永叔

浣溪沙

一月初和風到碧城萬條千縷巧相迎舞烟眠露過清明  
妝鏡巧偷眉葉樣歌樓妍曲借枝名晚秋霜霰莫無

情

晏叔原

解連環

露條烟葉惹長亭舊恨幾番風月愛細縷先穿輕黃漸

拂水藏雅翠陰相接纖軟風流眉黛淺三眠初歇奈年  
華又晚紫絆遊蜂絮飛晴雪依依灞橋怨別正千絲  
萬縷難禁愁絕悵歲久應長新條念曾繫花驄屢停蘭  
橈弄影搖晴恨閒損春風時節隔郵亭故人望斷舞腰  
瘦怯

高竹  
屋

### 虞美人

一番雨過年芳淺裊裊心情嬾章臺人過馬嘶聲小眉  
不展恨盈盈怨清明烟柔露軟湖東岸惱亂春風慣

一聲聲是故園鶯及至如今聞處又多情

僧仲殊

驀山溪

黃金線軟玉露生輕潤青豆破初芽拂烟痕一枝獨嫩  
東風著意不放舞閒春漸暖柔無力依依怨和困旗  
亭帶晚又是清明近惹盡別離愁約啼鶯深深與問灞  
陵傷感那更入陽關攀折處我無心行人自多恨

仲殊

江城子

西城楊柳弄春柔動離憂淚難收猶記多情曾為繫歸

舟碧野畫橋當日事人不見水空流  
韶華不為少年

留恨悠悠幾時休飛絮落花時候一登樓  
便做春江都

是淚流不盡許多愁

少游

### 柳枝

江南岼柳枝江北岼柳枝折送行人無盡時  
恨分離柳枝酒一杯柳枝淚雙垂柳枝君到長安  
百事迷幾時

歸柳枝

朱希真

### 採桑子



人如濯濯春楊柳，徹骨風流脫體溫。  
柔牽繫多情，卒未休。  
最憐恰新眠起，雲雨初收，斜倚瓊樓。  
葉葉眉心一  
樣愁。

行香子

雲葉烟條，天與多嬌。算風流、張緒難消。  
惱人春思，正自無聊。  
賴斂愁眉，酣醉眼、減圓腰。  
風絮招邀，蝶弄鶯嘲。  
最關情、是短長橋。  
解驂分袂，催上蘭橈。  
更綠波平，紅日

墜碧雲遙

劉隨如

謝池春

烟雨池塘綠影乍添春漲鳳樓高珠簾捲上金柔玉困  
舞腰肢相向似玉人瘦時模樣離亭別後試問陽關  
誰唱對青春翻成悵望重門靜院度香風屏障吐飛花

伴人來往

李方舟

全芳備祖後集卷十七

欽定四庫全書

全芳備祖後集卷十八

宋 陳景沂 撰

木部

楓

事實祖

碎錄

楓香樹似白楊葉圓而歧分有脂而香其子大如鴨卵  
二月花發著實九月熟曝乾可燒

稽含錄

楓楸楸

爾雅

楓本

一名楬楬疏漢宮殿中多植之至霜後葉丹可愛故騷

人多稱之

漢故事

老楓化為羽人

齊丘化書

紀要

黃帝殺蚩尤于黎山之邱擲其械于宋山之上化為楓

木之林

廣軒轅記

後周武帝梁州上書言鳳集于楓上羣鳥

列侍以萬數

本史

楓槐被宸

何晏

賦詠祖

五言散句

楓落吳江冷

崔信明

曉霜楓葉丹

謝靈運

青楓滿瀟湘

李白

湛湛長江水上有楓樹林

阮籍

春坼桃花水秋江楓樹林

杜甫

輟棹青楓浦雙楓舊已摧

回首過津口而多楓樹林

七言散句

背日丹楓萬木稠

少陵

玉露彫傷楓樹林

楓葉荻花秋瑟瑟

香山

香靄深谷攢青楓

公文

赤葉楓林百舌呼黃谿野岸天雞舞

杜甫

旅雁上雲歸紫塞家人鑽火用青楓

江頭赤葉楓愁客籬外黃花菊對誰

嚴武

楓葉千枝復萬枝江橋掩映暮帆遲

魚玄機

青楓綠草將愁去遠入吳雲暝不還

李羣玉

月落烏啼霜滿天江楓漁火對愁眠

張繼

遙看一樹凌霜葉好似衰顏醉裏紅

朱行中

合雨數峰分水墨著霜千樹半丹青

湛道山

水落纔餘半篙綠霜高初染一林丹

翁元廣

### 五言古詩

楓葉不耐冷露下胭脂紅無復戀本枝  
槭槭隨驚風向

來樹頭蟬去盡不見蹤日落秋水寒  
哀哀叫征鴻

劉仙倫

菱綠映葭青疏紅分浪白落葉灑行舟  
仍持送遠客

簡文



帝

五言絕句

輦路江楓暗宮城野草春傷心庾開府老作北朝臣

司空

明文

一夕起霜風千林墜曉紅無端逐流水流向武陵東

名賢

集

猿鶴驚呼時樓鍾動翠微楓林墜明月疎影亂人衣

參寥

一塢藏深林楓葉翻蜀錦寄語別家人路遙霜霰凜

郭功

父

七言古詩

雙楓一松相復前可憐老翁依少年少年翡翠新衫子  
老翁得衣青布被更有秋風清露時少年再換輕紅衣  
莫教一夜霜雪落少年赤立無衣著老翁深衣却不惡

誠齋

鳳山高兮上有楓青女染葉猩血紅莫辭老紅嫁西風

一夜憔悴成禿翁

朱湛虛

七言絕句

遠上寒山石徑斜，白雲深處有人家。  
停車坐愛楓林晚，

霜葉紅於二月花。

杜牧

千里楓林烟樹深，無朝無暮有猿吟。  
停橈靜聽曲中意，

好是雲山韶濩音。

元次山

赤葉楓林落酒旂，白沙洲渚夕陽微。  
數聲柔櫓蒼茫外，

何處江村人夜歸。

參寥

山寒江冷丹楓落，爭渡行人簇晚沙。  
菰米蘋花飛白鳥，

一張紅錦夕陽斜

山谷

黃紅紫綠巖巖上遠近高低松竹間山色未應秋後老

靈楓方為駐童顏

趙成德

七言八句

少立危亭獨倚欄此心便與白鷗閒水波不動魚龍蟄  
風月無邊天地寬幾處風蒲連碧浪數重烟樹出青山

垂虹再卜清遊日楓落吳江波正寒

史雲麓

榕

事實祖

碎錄

榕葉如冬青其葉不彫

嶺表錄

榕樹一株可蔭數畝泉福

間多產此木樹上懸鬚著地即便生根俗嘍云榕樹倒

生根

郡志

樹拳曲不可為材燒無焰不可為薪故能久而

大

稽氏錄

賦詠祖

五言散句

忽此榕林中跨空飛拱折

東坡

七言散句

拔地高標如鐵色拂天老樹作寒聲

劉后村

五言古詩

寒溪澹容與老木枝相樛其誰合二美名此景物幽大  
師昔南來於焉曾少休想當下榻時清與耳目謀品題  
得要領亦有翰墨留我來訪遺地密竹鳴鈎輶稍令舊  
觀復還與佳客遊樹影散香篆水光泛金甌市聲不到

耳永日風颼颼所忻簿書隙有此足夷猶平生邱壑願  
如痼不可瘳雖知等喧寂終覺靜理優更思濯滄浪榕  
根浮小舟

張拭

七言絕句

宦情羈思共淒淒春半如秋意轉迷山城過雨百花落  
榕葉滿庭鶯亂啼

柳子厚

晚暑無涼可得尋小風一點慰人心斜陽碎入高榕葉

翻作青天覆作金

誠齋

榕聲竹影一溪風  
遊客曾來繫短蓬  
我與竹君俱晚出

兩榕曾為識涪翁

后村

楸

事實祖

碎錄

河濟之間千樹楸  
與千戶侯等

漢書

紋楸可以為碁局

雜志

雜著

走馬長楸之間

陳思王

望青楸之離霜

江淹



賦詠祖

七言散句

高花曾吐驛庭春老榦空纏薜荔鱗

王右丞

勾稽嚴密不通賓因見楸花憶去春

芸叟

五言古詩

庭樹止五株共生十步間各有藤繞之上各相鉤聯下  
葉各垂地樹巔各雲連朝日出其東我常坐西偏夕日  
在其西我常坐東邊當晝日在上我在中央閒仰視何

青青上不見纖穿朝暮無日時我且八九旋濯濯晨露  
香明珠何珊珊夜月來照之萋萋自生烟我已自頑情  
重遭五楸牽客來尚不見肯到權門前權門衆所趨有  
客動百千九牛亡一毛未在多少間往既無可顧不往

自可憐

韓退之

楸英獨嫵媚淡月相參差大葉與勁榦簇萼密自宜

聖俞

涼風天際來拂我階前樹稍驚枝上禽復滴葉間露

劉原

父

七言絕句

中庭長楸百尺餘，翠謁揜葉當四隅。  
晨露夕日自相翳，並坐可以千人居。

原父

楸樹馨香倚釣磯，斬新花蕊未應飛。  
不如醉裏春風盡，可忍醒時雨打稀。

子美

幾歲生成為大樹，一朝纏繞困長藤。  
誰人與脫青羅帕，看吐高花萬萬層。

退之  
三首

幸自枝條能樹立，何須蘿蔓作交加。  
旁人不解尋根本，

却道新花勝舊花

青幢紫蓋立童童  
細雨浮烟作綠籠  
不待畫師來貌取  
定知難見一生中

榆

事實祖

碎錄

榆者白粉也榆有刺莢為無夷

說文

無姑其實夷也

注云

姑

榆也生山中葉員厚剥取皮合漬之味辛苦所謂無夷

是也

爾雅注

春取榆柳之火

周禮

三月榆英落

元命苞

槿苴粉

榆免薨滑澹以滑之

禮記

襄國鄴路千里之中夾道種榆盛

暑之下人行之

鄴中記

鵲上高城之危而巢于高榆之顛

城壞巢傾凌風而起故君子之居世也得時則義行失

時則鵲起

莊子

### 紀要

楚莊王將伐晉敢諫者死叔敖進諫曰臣園中有榆柳

上有蟬方奮翼悲鳴飲清露不知螳螂之在其後也

韓詩

外傳

高祖禱粉榆社在東豐北十五里

漢郊祀志

成帝時旱灾

民食榆皮

天文志

龔遂為渤海太守勸民農桑種榆一口

一樹

循史傳

鄭渾為魏郡太守課百姓種榆為籬

魏志

賦詠祖

五言散句

春榆初改火

古詩

錢穿短貫榆

香山

天上何所有歷歷種白榆

古樂府

可惜凌雲條化作樵夫束

東坡

農家榆英雨江國鯉魚風

余襄公

七言散句

榆英拋錢柳展眉

香山

隔牆榆英撒青錢

榆英相催不知數

李賀

柳絮榆錢不當春

東坡

榆錢可穿柳帶柔

山谷

楊花榆英無才思也解漫天作雪飛

退之

此日郊亭心乍喜敗榆芳景似還家

薛能

寂寞春風花落盡滿庭榆英似秋天

陶雍

榆英翻風驚社節梨花帶雨近清明

王坦軒

### 五言古詩

我行汴隄上厭見柳隄綠千株不盈畝斬伐同一束及

居幽囚中亦復見此木蠹皮滿秋雨病葉埋墻曲誰言

霜雪苦生意殊未足坐待秋風至飛英覆空屋

東坡

修柯幃天日老枿干雲霓嗟爾擁腫材大匠何見遺

張右



史

桐

梓附

事實祖

碎錄

紫桐本梧桐也櫨梧也

爾雅

椅桐梓漆爰伐琴瑟

注

梓實

桐皮曰椅即梧桐也

詩定之方中

鳳凰鳴矣于彼高岡梧桐

生矣于彼朝陽

卷阿

鷦鷯非梧桐不棲

莊子

徐州嶧陽孤桐

貢禹梓樓鼠梓也

爾雅

維桑與梓必恭敬止

小弁

拱把之桐梓

孟子

紀要

成王剪桐葉為圭以與唐叔曰吾以此封若史臣因請  
擇曰成王曰我以此戲之史臣曰天子無戲言遂封于

唐

史記

吳人有燒桐以炊者邕聞火裂之聲因請裁以為

琴頗有美音時人號為焦尾琴

蔡邕傳

晉武帝時吳郡臨

平岼出一石打之無聲以問張華華曰取蜀中桐材刻

魚形扣之則鳴矣于是如其言音聞數里

異苑

何力為司

稼少卿梁脩仁新作大明宮植白楊于庭示力曰此木

易成陰力不荅但誦白楊多悲風蕭蕭愁殺人之句脩

仁悟更植以桐

世說

歷城房家園齊博陵君豹之山池其

中雜樹森疎或有人折其桐枝者曰何為傷我鳳條自

是人不復折其枝

雜俎

吳平門外忽生一株桐上有歌謠

之聲平惡而伐之平隨軍北地三載忽空中似歌曰死

樹今更青吳平尋當歸平尋歸

吳苑

王義方初拜御史置

宅酌直訖數日忽對賓朋指庭中青桐一雙曰此忘酌

直召宅主付錢四千

北夢瑣言

德宗在奉天召李泌赴行在

時李懷光叛歲又旱蝗議者欲赦懷光帝博問羣臣泌

破一桐葉附使以進曰陛下與懷光君臣之分不可復

合有如此葉由是不赦

唐史

顧況於御溝流水上得一桐

葉有詩云一入深宮裏年年不見春聊題一片葉寄與

有情人況亦題葉于流泛之後數日況又得一詩似答

況者

縉紳  
勝說

蜀侯繼圖倚大慈寺樓飄一大桐葉上有詩

云拭翠斂蛾眉為鬱心中事搦管下庭除書作相思字

此字不書名此字不書紙書向秋葉上願逐秋風起天

下有心人盡解相思死後數年繼圖卜任氏為婚焉

本傳

商子云南山之陽有木名喬北山之陰有木名梓二子

盍往觀焉二子往觀見喬木高而仰梓木實而俯反以

告商子曰喬者父道也梓者子道也

尚書大傳

子胥將死告

其舍人曰必樹我墓上以梓今可以為器而扶吾眼懸

吳之東門以觀越兵之入吳也

史記

斬泗濱之梓以為箏

文選

後漢樊宏父常欲作器物先種梓漆時人嗤之積以

歲月皆得其用向之笑者咸求假焉貲至巨萬

雜著

龍門之桐高百尺而無枝中鬱結而輪囷

枚乘

含黃鐘以

吐榦據蒼岑以孤生

張協

納谷風以疎葉含春雨以濯莖

張湛

呂洞賓題汴都峨嵋院云明月斜秋風冷今夜故人

來不來教人立盡梧桐影

曾慥集  
仙傳

賦詠祖

五言散句

桐林帶晨霞

靈運

寒井落梧桐

文選

霜風侵梧桐

退之

井梧栖靈鳳

古詩

秋色老梧桐

杜甫

樹暗惜桐孫

有谷杉漆桐

庭梧自黃隕

后山

風梧有先聲

露葉秋高梧

東坡

桐葉滿東齊

曉葉藏栖鳳朝華拂曙烏

梁簡文帝

方同散木爨清響竟誰知

王符

分根蔭玉池欲待高鸞集

沈約

一株青玉立千葉綠雲垂

香山香

梧桐落金井一葉飛銀牀

太白

四面無附枝中心有道理

葉生既婀娜葉落亦扶蘇

今茲大火落秋葉黃梧桐

杜牧

秋日坐梧桐轉陰如轉轂

荆公

寒聲落鴻雁秋意著梧桐

林竹軒



林梧自黃隕風過成夜語

后山

七言散句

碧梧栖老鳳皇枝

少陵

清秋幕府井梧寒

秋雨梧桐葉落時

香山

秋桐不識春風面

貢父

滿階桐葉候蟲鳴

東坡

槭槭井梧疎更殞

韓愈

夢斷南窻啼曉鳥新霜昨夜下庭梧

羅鄴

枉教紫鳳無栖處斷作秋琴歌廣陵

義山

百葉盆榴照眼明桐陰初密暑猶清

明道

風高露井無桐葉雨急村烟有雁聲

劉貢父

不緣桃李鬪顏色似為琴瑟養肌膚

劉元父

井梧搖落先霜盡衣杵淒涼帶月聞

洪適

畫堂蟋蟀怨清夜金井梧桐辭故枝

放翁

纔破繁華海棠日又驚搖落井梧時

翁廣

雨滴梧桐秋夜長  
愁心和雨到昭陽

劉媛

睡起秋聲無覓處  
滿階梧葉月明中

劉小山

五言古詩

苔苔梧桐樹寄生于南嶽上  
凌青雲霄下臨千仞谷處  
身孤且危於何托  
余足昔也植朝陽  
傾枝似鸞鷟今者  
絕世用倥傯見迫束  
班匠不我顧  
牙曠不我錄  
焉得琴

瑟成何由揚妙曲

司馬彪

山木多鬱鬱  
梧桐獨亭亭  
葉重碧雲片  
花簇紫霞英  
是

時三月天春暖山雨晴無人解愛賞有客還屏營生憐  
不得所死欲揚其聲裁為天子琴薦之于穆清誠是君  
子心恐非山木情老龜被刳腸不如無神靈雄雞自斷  
尾不願為犧牲況此好顏色花紫葉青青寧遂天地性  
忽加刀斧刑吾思五丁力拔入九重城當君正殿栽花  
葉生光晶上對月中桂下覆堦前窈泛沸香爐烟隱映  
繪藻屏為君布綠陰當暑陰軒楹為君發清馥風來如  
扣瓊愛君陽和德不特含芽榮戒君無戲言剪葉封弟

兄受君歲月功不獨資生成為君長高枝鳳凰頭上鳴  
一鳴君萬歲壽如山不傾再鳴萬人泰泰階為之平如  
何有此用幽滯在巖扃待余有勢力移爾獻彤廷

香山香

猗猗井上桐華葉何毵毵下蔭百尺泉上聳凌雲材翠  
色洗朝露清陰當午階日出花焰曜飛香動浮埃今朝

一雨過狼籍粘青苔

永叔

朝陽升東隅照此庭下桐葦葦復萋萋密葉翠羽蒙午  
景凝餘清夕照留殘紅雨響薨棟外風生戶牖中主人

政多暇步賞幸從容

君實

庭梧驚秋風葉葉彫萎紅行人何不歸委魂逐孤鴻去

日良已賒客身轉飄蓬千里各一涯關山月明中兩臂

恨不羽飛逐君西東

顏貞嶠

孤桐生空井枝葉自相加通泉溉其根玄雨潤其柯

魏明

帝

未霜葉已肅不風條自吟不願覓雕琢為君堂上琴

鮑照

孤桐北窗外高高百尺餘枝生既嫋娜葉落更扶蘇

謝眺

秋還遽已落春曉猶未羨綠葉雖可賤一剪或成珪

沈約

霜風侵梧桐衆葉著樹乾空堦一片下錚若摧琅玕

退之

高梧一葉下空齋歸思多參差剪綠綺瀟灑覆瓊柯

韋左

司

高岡得梧桐裁為綠綺琴有絃絙朱絲有徽範黃金引

子試拂拭琅然發清音

吳竹坡

往往遊西崦時時憇午陰鳳來人不見飛入碧梧深

五言八句

晚來狂索酒量大酒無功  
窻豁能容月樓高易得風  
聲聞蟋蟀疎影舞梧桐夜  
半成清夢江湖垂釣翁

趙節齋

### 七言古詩

去日桐樹半桐葉別來桐  
樹老桐孫城中過盡無窮  
事

白髮滿頭歸故園

元微之

君家井泉深百尺正有高  
梧十尋碧鳳鳥不至獨可  
憂

蛟龍深潛莫能識

劉原父

### 七言絕句



老桐休斲為琴瑟胡部新翻格調清試聽琵琶採蓮曲

一般絃上數般聲

陶弼

仰看陽光只見空不知影裏著梧桐莫言日脚無形跡

偷轉零分破寸中

誠齋

金井梧桐秋葉黃珠簾不捲夜來霜薰籠玉枕無顏色

卧聽南宮清漏長

王昌齡

葉底秋聲急雨催人言滿樹是愁媒九迴百折渠何預

自是愁人做得來

僧北磻

夢回歷歷雨聲中  
窻影分明曉色紅  
出戶方知是黃葉

更無一片在梧桐

陳耳芷

七言八句

灝氣行秋萬宇涼  
玄姑新勅辦衣裳  
林為機杼織無跡  
月當膏油緝易長  
謂爾索裘雖有日  
到頭無褐可禁霜  
工夫只有琵琶索  
又在梧桐夜雨旁

徐介軒

開盡羣花欲折桐  
春歸何事太匆匆  
枝頭嫩綠偏宜雨  
葉底殘紅不奈風  
燕帶香泥歸院落  
蜂粘飛絮入簾櫳

小窗獨坐無餘事盡日青山在眼中

謝盈齋

樂府祖

憶秦娥

臨高閣亂山平野烟光薄烟光薄樓鴉歸後暮天聞角  
斷香殘酒情懷惡催他一葉梧桐落梧桐落又驚秋

色又還寂寞

李易安

卜算子

缺月挂疎桐漏斷人初靜時見幽人獨往來縹緲孤鴻


影驚起却回頭有恨誰能省  
揀盡寒枝不肯栖寂寞  
沙洲冷

訴衷情

征衣薄薄不禁風長日雨絲中  
又是一年春事花信到  
梧桐雲漠漠水溶溶去匆匆  
客懷今夜家在江西身

在江東

劉昭山



全芳備祖後集卷十八

# 欽定四庫全書

子部

全芳備祖後集卷

十九  
二十

詳校官中書

臣竇汝翼

主事

臣祁韻士覆勘

總校官庶吉士

臣朱

鈐

校對官助教

臣

維吉

謄錄監生

臣

陸潮愈

欽定四庫全書

全芳備祖後集卷十九

宋·陳景沂撰

木部

豫章

事實祖

碎錄

豫章大木也

服虔漢書注

豫章生七年而後與衆木異

述異記

山陽縣豫章木可伐作鼓

荊州記

紀要

丹陽尹袁粲見王儉曰柢柏豫章雖小已有棟梁之氣

矣

南史

雜著

其北則有梗柟豫章

子虛賦

木則梗柟豫章

吳都賦

余卜居

南溪上流溪之濬有喬木二蓋古之豫章而今俗以樟

名者也其壽當三百餘載而大且二十圍團欒偃蹇庇

及數畝老根盤踞高突地面如巨石礪砢余因募工畚



土厚培其根使平若一臺可坐數客久焉根入土深得  
所滋養枝葉益敷暢亭午日不穿漏夏五六月清陰覆  
池暑氣不入涼颼時來方春穉綠競秀靄若雲屯及玄  
冥凍沍此獨挺秀余愛護封殖每為賦甘棠之詩余聞  
昔有商山之老戲于橘中者謂之橘隱後世效山陰之  
種竹者謂之竹隱慕彭澤之採菊者謂之菊隱擬孤山  
之詠梅者謂之梅隱余愛此古樟遂名吾廬以南溪樟  
隱暇日搜閱書篋得晦庵朱子所書四大字適契余所

命名若有天相亟模勒碣于廳之楣即其右闕小室又  
取朱子所書歲寒二大字為匾以表古樟之高致室僅  
容膝處勢最高平挹翠嵐下臨綠浸隔岸擔簦負笈之  
行人中流披蓑鼓枻之漁父皆可坐見于几席之上市  
廛雖近而一塵不侵余盖于此讀書以求聖賢為己之  
學涵養體察私淑吾身庶幾不負朱子教育之意且日  
有餘力則編輯古人嘉言善行類成巨帙窮年矻矻皆  
手自抄錄樂而忘疲今一二書行于世者行有楊子雲

不以一醬瓿之可為坐久神倦起而欠伸則信手拈取前輩詩文一二帙緩誦微吟戰睡魔而却之此則樟隱之成趣也其西則築小樓四楹與廳對峙又取南軒張子所書藏書閣三大字揭匾樓上雖余無資聚書不能多視鄴侯挿架特泰山之毫芒然余性健忘不可無書舊所讀不獲盡記必藉檢閱積久抽取簡帙散亂則必次其甲乙使如舊序剔去蠹魚燥以風日蓋茲樓也檢書則登整書則登曝書則登當此之時窓櫺四敞不妨

眺望以舒暢心目至於秋宵爽豁月鑑澄鮮朔風怒號  
雪絮飛舞乘興一登便覺水晶宮闕瓊樓玉宇去人不  
遠此又樟隱之勝槩也噫余晨興而啟吾扉出入而涉  
吾庭仰而瞻吾巨匾銀鈎鐵畫動有法度則思其人儼  
若先儒之臨其上顧而見吾古樟龍身虬柯昂霄聳壑  
則愛其木凜然歲寒之友在吾側是則吾廬雖甚湫隘  
卑陋而雄麗偉特之觀固不在于輪奐之美也偶記曩  
嘗宴坐樹下見有老鶴長頸聳尻玄裳縞衣頗似鶴立

于樹杪為網繆牖戶之計他禽亦銜斷梗以相其役余甚異之豈杜子美所謂義鶻者耶居無何近山叢灌穢莽中惡鴞二三突如其來驅搜相役之衆羽或傷其翅或擊搏使遠徙越數日一鴞忽為赤虺所噬而斃惡族旋亦引去他日又聞鵲聲喳喳其鳴甚悲若有所訴余試靜覘第見隔林一鳩飛去復來睥睨鵲所當巢余因悟召南鵲巢鳩居之意是殆欲奪其巢者耶亟挾彈逐之鳩亦引去夫鵲鵲一枝之栖耳尚不能免夫物之為

害予以貧士銖積寸累僅架數椽其艱難辛苦與二禽之巢于古樟者奚以異今雖幸而迄于落成且莫居焉而觸物興懷政自不能無感繫我後人之居于斯者其必念余經始之勞可也其必讀昌黎示兒之詩使有賢卿大夫相過考評道之精粗以不迷厥初可也其必思朱子所記先大夫遺事克稱天之報施其將在此之語可也審能如是則古樟亦不貽林慙澗愧之譏而凌霜傲雪之標當相與輝映于無窮此則予之望也寶祐丙

辰冬十一月樟隱老人記

賦咏祖

五言散句

豫章夾日月歲久空深根

杜少陵

豫章深入地滄海濶無涯

七言散句

豫章翻風白日動鯨魚跋浪滄溟開

杜少陵

七言絕句

豫章偃蹇兩蒼龍雪榦寧須匠石逢借重歲寒雙大字

絕勝松拜大夫封

祝樟  
隱

石楠

事實祖

碎錄

葉如枇杷有小刺凌冬不彫春生白花秋結細紅寔人  
多移植庭宇間陰翳可愛不透日氣

雜著



余在成都嘗以事至沈屏過國寧觀有古楠四皆千歲  
木也枝擾雲漢聲挾風雨根入地不知幾百尺而陰之  
所庇車且百兩正晝日不穿漏夏五六月暑氣不至凜  
如九秋成都固多壽木然莫與四楠比余蓋愛而不能  
去者彌月有石刻立廡下曰是仙人遽君手植予嘆曰  
神仙至人手之所觸氣之所呵羸疾者起盲瞶者愈瘵  
巧而金玉反石不難況其親所培植哉久而不槁不死  
固宜欲為作詩文會多事不果嘗以語道人遽昌老真

叟以為恨予既去蜀三年而昌老萬里以書屬予曰國  
寧之楠幾伐以營繕郡人力全之僅乃得免懼卒不免  
也子為我終昔之意予發書且嘆且喜夫勿剪憩棠敬  
恭桑梓愛其人及其木自古已然姑以蜀事言之則唐  
節度取孔明祠栢一小枝為手板書於圖至今見非詆  
蔣堂守成都有美政止以築銅壺閣伐江瀆廟木坐謠  
言罷亦書國史且王建益知祥父子專有西南窮土木  
之侈沈屏近在國城數里間而四楠不為當時所取彼

猶有畏而不敢者況今聖主以恭儉化天下有夏禹卑  
宮室漢文罷露臺之風專閭方面皆重德偉人豈其殘  
滅千歲遺跡侈大棟宇為王孟之所不為哉意者出於  
吏胥梓匠欺罔專恣以自為功而已使有以吾文告之  
者讀未終篇禁令下矣然則其可不書

放翁

### 賦咏祖

#### 七言散句

客處偷閒不是閒石楠雖好懶頻攀

司空曙

佛現寶幢經幾劫天開雲幄待何人

文與可

五言古詩

大樸既一副衆材爭萬殊懿茲南海華來與北壤俱生  
長如自惜雪霜無彫渝籠籠抱靈秀簇簇抽芳膚寒日  
吐丹艷頰子流細珠鴛鴦花數重翡翠葉四鋪雨洗新  
粧色一枝如一姝聳異敷庭際傾妍來坐隅散彩飾几  
案餘輝盈盤盂高意因造化常情逐榮枯主公方寸中  
陶植在須臾養此奉君子賞覲日為娛始覺石楠詠價

傾賦西都棠頌庶可比桂詞難以踰因謝丘墟木空採  
落泥塗時來開佳宴道去卧枯株爭芳無由緣受氣如

鬱紆抽肝在郢匠嘆息何踟躕

孟郊  
石楠

梗楠枯崢嶸鄉黨皆莫記不知幾百歲慘慘無生意上  
枝摩蒼天下根盤厚地巨圍雷霆折萬孔蟲蟻萃凍雨  
落流膠衝風奪佳氣白鵲遂不來天難為愁思猶含棟  
梁具無復霄漢志良工古昔少識者出涕淚種榆水中

央成長何容易截承金露盤裊裊不自畏

杜甫  
枯楠

五言絕句

童童挺十尋一蓋磨空綠斜月礙枝回涼烟附葉宿

宋景

文

七言絕句

石楠紅葉透簾青憶得粧成下錦茵試折一枝含萬恨

分明說向夢中人

與權德輿

自隨野意了山行香浸楠花白水生借得風來帆便飽

隔溪新度一聲鶯

高疎察

傘蓋低垂金翡翠薰籠亂搭繡衣裳春芽細炷千燈焰

夏蕊濃焚百和香

香山

六代喬楠二百齡分柯中有異芝生孤根自合藏幽處

瑞子何期應太平

張芸叟

桺

事實祖

碎錄

葉似桑子似杏而酸

杜詩注

梗桺杞梓天下之良材

顏師古注

滕猿得杉枏挽蔓枝而生長其間得便也

莊子

賦咏祖

七言古詩

倚江枏樹古堂前故老相傳二百年  
誅茅卜居總為此五月恍惚聞寒蟬  
東南飄風動地至江翻石走流雲氣  
幹排雷雨猶力爭根斷泉源豈天意  
滄波老樹性所愛浦上童童一青蓋  
野客頻留懼雪霜行人不過聽竽籟  
虎倒龍顛委榛棘淚痕血點垂胸臆  
我有新詩何處吟



草堂自此無顏色

少陵栴為風雨所拔歌

五言八句

栴樹色冥冥江邊一益青  
近根開藥圃接葉製茅亭  
落景陰猶合微風韻可聽  
尋常絕醉困卧此片時醒

杜甫

靈壽木

事實祖

碎錄

木似竹有節長不過八九尺  
圍可三四寸自然有合枝

之制不須削理也

漢書注

作杖令人延年益壽

本草

### 紀要

孔光年老哀帝賜靈壽杖

史

賦咏祖

### 五言散句

既非扶險阻何必問年齡

張浮休

### 五言古詩

白華鑒寒水怡我適野情前趨問長老重復興嘉名塞

連易衰朽方剛謝經營敢期齒杖賜聊且移孤莖叢  
中競秀分房外舒英柔條乍反植勁節常對生循玩足  
忘疲稍覺步武輕安能事剪伐持用資徒行

子厚

### 五言八句

曲木天然性叨名席上珍節高工碍手倚壁快扶人莫  
問西來意終為竈下薪他時俘頡利拜賜敢忘身

張浮休

### 七言絕句

滇池藤赤人難到太乙藜青事近誣林下樁來供燕息

省中攜去寵師儒

魯曲阜

椰子

事實祖

碎錄

樹似桤榔而高一房生三十餘子如瓜內有漿一升清

如水甜如蜜

雜記

葉如枏櫚無枝條其實大如寒瓜外有

粗皮次有殼圓而且堅剖之有膚厚半寸味似胡桃而

極肥美有漿飲之得醉

樞氏傳

殼可以為器

本草

紀要

晉林邑王與越王有故怨遣俠客刺之得其首棄于木  
上俄化為椰子林邑王憤之剖為飲器南人至今效之  
當刺時越王大醉故其漿猶如酒俗稱曰越王頭云

錄

賦咏祖

七言散句

美酒生林不用儀

東坡儀狄也

注

五言古詩

日南椰子樹香裊出風塵叢生雕木首園實栟榔身玉  
房九霄路碧葉四時春不及塗林果移根隨漢臣

沈佺期

矮胡生南方托生碧山崖採擇供貢篚扶杖上天街愧  
此愿慙姿欲售久未諧道傍麴先生風味固自佳逢渠  
即傾盖輸寫能開懷刮削出光采規繩去歌窠金玉豈  
足貴膠漆真吾儕客來有嘉招二士往必偕婆娑止坐  
隅供饋煩金釵矮胡雖木強醇德真無涯虛心實其腹

居然外形骸微物幸見用棄置理則乖毛穎有封國陶  
匏薦烟柴大藥起世疴炮燭及根茲願子自洗濯勿受  
塵埃埋暇日首相從醉經生高齋

張子湖柳  
子酒榼

### 七言絕句

漿成乳酒醺人醉肉截鷲肪上客盤有核如匏可雕琢

道裝宜作玉人冠

山谷柳  
子冠

碩果不食寒林梢剖而器之如懸匏故人相見各貧病

且可烹茶當酒肴

山谷柳  
子茶盃

枕榔

事實祖

碎錄

生廣南山谷間有樹身皮葉與蕃棗榔小異然葉下有髮如粗馬尾廣人織為巾子其麤有補可以辟穀

本草

其皮可作綆得水則柔韌胡人以此牒木為舟皮中有屑如麤木性如竹紫黑色有文理解之以製奕枰

嵇含記

賦咏祖



五言散句

雪粉剖桃榔

東坡

七言散句

日下枕榔羽扇閑

山谷

七言絕句

化工到得巧窮時東補西移也太奇君看枕榔一窠子

竹身杏葉海棕枝

誠齋

七言八句

睡起風清酒在亡身隨殘夢兩茫茫江邊曳杖枕榔瘦  
林下尋苗草撥香獨步倘逢岫嶠令遠來莫恨曲江張  
遙知魯國真男子獨憶平生盛孝章

東坡以枕榔  
杖寄張文潛

楮

事實祖

碎錄

楮一名穀

說文

樂彼之園其下維穀

注

楮也

詩

世以楮實

練絹又為面藥以米泔洒楮而生菌

坡詩  
注

紀要

蔡倫造意用楮膚麻頭敝魚網以為紙

本傳

桐君說其花

莖形色仙方楮實正赤時收取其子陰乾用之

採藥錄

五言古詩

我牆東北隅張王

並去聲

維老穀樹先樗櫟大葉等桑柘

沃流膏馬乳漲墮子楊梅熟胡為尋丈地養此不材木

蹶之得與薪規以種松竹靜言求其用略數得五六膚

為蔡侯紙子入桐君錄黃繒練成素黝面類作玉灌灑

蒸生菌腐餘光吐燭雖無傲霜節幸免狂醒毒孤根信  
微陋生理有倚伏投斧為賦詩德怨聊相續

東坡宿  
老楮

五言古詩散聯

植根雖云固伐去曾須臾我塗雖不寬出入自有餘開

門聽來往併納賢與愚

韻  
濱

五言絕句

可憐臺上楮轉日已陰繁不解詩人意何為樂彼園

文王

公

七言絕句

楮樹婆娑覆小齋  
更無日影午窓開  
一端能敗幽人意  
夜夜牆西碍月來

漆

事實祖

碎錄

椅桐梓漆

山有漆

阪有漆

並毛詩

以竹筒釘入木中

取之

本

紀要

莊子嘗為漆園吏楚威王聘之欲以為相謂使者曰亟

去毋污我故曰傲吏

莊子

樊阿從華佗求方可服食有益

于人者佗以漆葉為青黏散與之

後漢方藝傳

樊宏父嘗欲

作器物先種梓漆時人嗤之積以歲月皆得其用向之

笑者咸求假焉貲至鉅萬追爵謚為壽張敬侯

本傳

雷義

與陳重為友時人語曰膠漆自謂堅不如雷與陳

本傳

賦咏祖

五言散句

漆園有傲吏

靈運

楚材擇杞梓

杜甫

樊侯種梓漆

東坡

近聞西枝西有谷杉漆稠

杜甫

五言古詩

古人非傲吏自闕經世務偶寄一微官婆娑數株樹

王維

好閑早成性果此諧宿諾今日漆園游還同莊叟樂

崔迪

舊聞南華仙作吏漆園裏應悟見割憂嗒然空隱几

朱文

公

七言八句

天以晶華累爾形千夫歛鏹可曾停世間有器蒙鮮澤  
林下無辜受割刑斫壞孫枝難老大摧殘老幹易彫零  
退思禹貢周征日未必如今稅不征

蕭大  
山

機機筭  
附

事實祖

碎錄



一名栟櫚葉似車輪乃在顛上有皮纏之附地起二旬

一採轉復上生

廣志

櫟樹高一丈許無枝幹葉大而圓歧

生枝頭美實皮相重複一行一皮各有節皮可為索也

山海經

櫟筍狀如魚子其味似苦筍而加甘芳蜀人以饌

佛僧甚貴之而南方不知也笋生膚毳中蓋花之方孕

者正二月間可剝而取過此苦澁不可食矣取之無害

于木而宜于飲食法當蒸熟所施略與竹笋同蜜煮酢

浸可致千里外

坡詩注

紀要

杜甫以朝廷以李林甫瑣瑣之才代張九齡為相作機

櫪拂詩以寓意

杜詩注

雜著

異木之生疑竹疑草攢葉石徑森蓀山道烟岫相珍雲

壑共寶不綿不縟何遜工巧

梁江淹頌

賦咏祖

五言散句

鑿井交棕葉

少陵

童童雙椶櫚葱蒨兩車蓋

曾大昭

七言散句

枅櫚葉戰水風涼

香山

芍藥初開菩薩面椶櫚葉散夜叉頭

李羣玉王璘聯句

孤出亭亭羽蓋高撐開圓葉臂抽條

程金紫

轟影叱筆竿影直雪中霜裏伴松筠

五言古詩

蜀門多機欄高者十八九其皮剝割甚雖衆亦易朽徒  
布如雲葉青青歲寒後交橫集斧斤彫落先蒲柳傷時  
苦軍乏一物官盡取念爾形影乾推殘投藜莠

杜少陵

機拂且薄陋豈知身效能不能代白羽有足除蒼蠅熒  
熒金錯刀濯濯朱綠繩非獨顏色好亦用顧盼稱吾老  
抱疾病家貧卧炎蒸呬膚倦撲滅賴爾甘服膺物微世  
競棄義在誰肯徵三歲清秋至未敢闕緘滕

杜少陵  
機拂

五言古詩散聯

青青枰樹葉散如車輪擁籜交紫髯歲剝豈非仁用  
以覆彫興何憚克厥身

聖俞

斫破夜叉頭取出仙人掌鮫人滿腹珠鮑魚新出網

唐庚

哆熾風葉張圓皺雨皮厚叢櫟列蓋端攢旄注旗首

宋景

文

### 五言八句

舊脫敗叢亂新添華節高肅容春尚靜俠氣夜方豪黃  
孕子魚腹青披孔雀尾豈橦知可製雷動景鐘號

洪舜俞

七言古詩

贈君木魚三百尾中有鰓黃子魚子夜叉剖癭欲分甘  
籜龍藏頭敢言美願隨蔬果得自用勿使山林空老死

問君何事食木魚烹不能鳴固其理

東坡送梭  
與殊長老

七言絕句

秀餘扶疎綠檻新琅玕一束淨無塵重苞吐實黃金穗  
密葉圍條碧玉輪

黃楊

事實祖

碎錄

俗說黃楊歲長一寸遇閏年退一寸

坡詩注

賦咏祖

五言散句

雖非百尺材歲晚好顏色

曾文昭

七言散句

園中草木春無數只有黃楊厄閏年

東坡

五言古詩散聯

娑娑兩佳木生長在岩石移植君子堂初因醉翁識

曾文

昭

黃樹性堅正枝葉已剛愿三十六旬久增生但方寸今

何成脩林左右映霞蔓良材豈一二所期不在鈍

李方叔

樗櫟

事實祖

碎錄



樗櫟散材也

注

周秦謂柞為櫟河南謂蓼為櫟

方

蔽蒂

其樗詩

### 紀要

匠石之齊至乎曲轅見櫟社樹曰是不材之木也故能若

是之壽櫟社見夢曰若將比予于文木耶夫祖梨橘柚果

蓀之屬實熟則剝則辱故不終其天年

莊

吾有大樹人謂

之樗其大本擁腫而不中繩墨其小枝拳曲而不中規矩

立之塗匠者不顧今子之言大而無用衆所同去也

莊

七言絕句

香檀文桂苦雕鐫生理何能得自全知有無材老櫟否

一枝不損盡天年

香山

樺

事實祖

碎錄

樺堪為燭木似山桃取脂燒辟鬼

本草

紀要

唐正旦曉漏以前三司使大金吾以樺燭擁謂之火城

李肇圖  
史補

賦咏祖

五言散句

月隄槐露葉風燭樺烟香

香山

七言散句

送客林中樺燭春

東坡

荆

事實祖

碎錄

楚荊也杜荊蔓荊也青莖大實者名牡荊又有山荊

廣志

寧浦有三種金荊可以作枕紫荊可以作床白荊可以作履與他處牡荊全異又彼境有杜荊指病自愈節不相當者月暈時刻之與病身等置牀下雖危困亦愈也

郡志

紀要

伍舉入鄭聲子將入晉過之郊班荆相與食而言復故

左傳

廉頗肉袒負荆

史

淮南王安謀逆伍被諫曰昔子胥

諫吳王云臣今見麋鹿遊姑蘇之臺臣今亦將見宮中

生荆棘露沾衣也

漢書

尹勤治韓詩事薛漢身牧豕事親

至孝無有交游門生荆棘

東觀漢記

田真田慶田廣兄弟欲

分財惟堂前紫荆花盛茂夜議斫分取為三曉欲伐

即憔悴兄弟由是不復分焉

吳筠齊諧記

徐隨居丹徒左慈

過隨門下有宿客車六七乘欺慈云徐公不在慈去客

皆見在楊樹杪車轂中皆生荆棘客懼入報隨隨曰此  
左公遣追之客逐慈叩頭謝客還見車在地無復荆棘

漢方  
伎傳

賦咏祖

五言散句

三荆懼同枝四鳥悲異林

晉陸  
機

五言古詩

風吹紫荆樹色與春庭暮花落辭故枝風迴返無處

杜甫

七言絕句

庭中栽得紅荆樹十月花開不待春直使孩提晝驚怪

一家同是北來人

元微之

水清木

賦咏祖

七言散句

密葉凝華承玉圮附枝交影陰銀塘

夏英公

七言散聯

禁中遲日照南榮瑞木聯祥耀國經合榦舊臨宮檻密

交枝重茂帝梧青

夏英公

海棕木

賦咏祖

七言古詩

左綿公館清江濱海棕一株高入雲龍鱗犀甲相錯落  
蒼稜白皮合抱文自是衆木亂紛紛海棕焉知身出羣  
移栽北辰不可得時有西域胡僧識



女貞木

事實祖

碎錄

葉茂盛經冬不彫或云即冬青

本

女貞之木一名冬青

負霜蔥翠振柯凌風故清士欽其質而貞女慕其名多  
植之于庭階云

蘇彦頌序

江左人謂之萬年枝

賦咏祖

七言散句

好風吹動萬羊枝

盧多遜

三足赤烏去不顧牆根隱隱冬青樹

五言律詩散聯

霜霰不彫色兩株交石壇  
未秋紅實淺經夏綠陰寒

許渾

七言絕句

碧樹如烟覆暖波  
清秋欲盡客重過  
故園亦有如烟樹

鴻雁不來風雨多

趙嘏

離宮見爾近天墀  
雨露常私養種時  
惆悵一枝嵐氣裡

無人識是萬年枝

韓子蒼

### 樂府祖

#### 眼兒媚

山礬風味木犀魂  
高樹綠堆雲  
水光殿側月華樓畔晴  
雪紛紛  
何如且向南湖住  
深映竹邊門  
月兒照著風

兒吹動香了黃昏

張約齋

#### 七葉木

### 賦咏祖

五言古詩

伊洛多佳木娑羅舊得名常于佛家見宜在月中生空

砌陰鋪靜虛堂子落聲

文忠公

沙灘木

賦咏祖

七言古詩

沙灘古樹常占歲在昔曾看北海碑今日四方俱大稔

不知榮悴向何枝

聖俞



全芳備祖後集卷十九